

Inatsisartut aalajangiiffigisassaattut siunnersuutigineqarpoq, Naalakkersuisut peqquneqassasut danskit oqartussa qarfiinut attaveqassasut Aalborg-imi Grønlandshavn-imiit Kalaallit Nunaannut umiarsuakkut nassiussassat tamarmik hash-itaqannginnersut akitsuuserisunit misissorneqartarnissaat qulakkeerumallugu aalajangersimasumik Grønlandshavn-imi akitsuuserisoqartitsilersinnaanerup siunnerfigineqarnissaa

Inatsisartunut ilaasortamit Steen Lyngemit, Atassut, saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Immanuelson, Siumut, siulittaasoq

Inatsisartunut ilaasortaq Aqqaluaq B. Egede, Inuit Ataqtigiit, siulittaasup tullia

Inatsisartunut ilaasortaq Suka K. Frederiksen, Siumut

Inatsisartunut ilaasortaq Steen Lyngem, Atassut

Inatsisartunut ilaasortaq Tillie Martinussen, Demokraatit

Inatsisartunut ilaasortaq Peter Olsen, Inuit Ataqtigiit

Inatsisartunut ilaasortaq Sara Olsvig, Inuit Ataqtigiit

UKA 2016-imi 7. oktober 2016-imi siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Kalaallit Nunaannut nassiussat hashimik imaqannginnissaat qulakkeerniarlugu Ålborgimi Grønlandshavnimi aalajangersimasumik ilanngaaserisoqalernissaa siunertaralugu danskit oqartussaasuinut saaffigineqqullugit Naalakkersuisut peqquneqarnissaat siunnersuuteqartup kissaatigaa.

Siunnersuutip Inatsisartunit siullermeerneqarnera

Siullermeerinninnermi siunnersuut tapersorneqarlunilu akerlerineqarpoq. Siunnersuummut isumaqataasunit ilaatigut oqaatigineqarpoq hashimik aanngajaarniutinillu akiuinarneq pingaaruteqartuusooq, taamatullu iliuuseqarneq siunnersuutikkut patajaallisarneqassasoq. Siunner-

suummut akerliusut oqaatigaat siunnersuut assut aningaasartuutaassasoq aammalu siunnersuutip piviusunngortinneqarnissaanut aningaasat pisariaqartut pitsaaliuinnermut aanngajaarniutinillu nakkutilliinnermut tunngasuni iliuusissanut allanut naapertuunnerusumik atorneqarsinnaasut. Ilanngullugu erseqqissaatigineqarpoq umiarsualiviup aallaavigisap nuunneqarsinnaanera Aalborgimi nakkutilliisoqarfimmit aalajangersimasumik pilersitsinissamut akerliusoq.

Ataatsimiititaliap siunnersuummik suliarinninera

Naalackersuisut oqaatigaat Aalborgimi aalajangersimasumik ilanngaaserisoqalernissaa Kallaallit Nunatsinnut isaarissanik allanik taamatut nakkutilliinnermik ilaqartinnagu, ajornartorsiummik piffimmit piffimmut nuussineruinnassaaq eqqussorneqartut amerlasuusaasa annikinnerulernerannik kinguneqarnavianngitsoq. Aalborgimi aaqqiineq "iluanaarutigineqarsinnaasumut" sanilliullugu akisuallaartutut Naalackersuisut isigaat. Tassunga atatillugu ataatsimiititaliamit oqaatigineqassaaq siunnersuutip piviusunngortinneqarnerani aningaasartuutissatut naatsorsuutigineqartut 20 mio. kr.-it sinnerlugit amerlassuseqassasut, taamaattumillu tamatumu piviusunngortinneqarnerani angusassat anguneqarsinnaanissaat qularnaakannerneqarsimasariaqarluni.

Aammalu umiarsualiviup aallaavigisap ingerlatai Nuummut nuunneqassappata usit nunatsinnut eqqunneqartut nunatsinni iliuuserisat annertusinerisigut nakkutilliivigineqarnissaat pisariaqalersinnaavoq patajaallisarneqartariaqarluniluunniit, taamaattumillu Aalborgimi – piffissap imaalinerani – annertunerusumik aningaasaliinissaaq naapertuutinngilaq. Taamatut nakkutilliinnermik allanngortitsinerup annertusisitsinnaanerullu qanoq iliorluni piviusunngortinneqarnissaata aalajangiunnissaa, taamaallunilu aalajangiiffiginissaa siusippallaartoq Aningaasaqarnermut Akileraartarnermullu Ataatsimiititaliaq isumaqarpoq.

Siunnersuutip aningaasatigut kingunissai

Naalackersuisut § 37 naapertorlugu apeqqummut akissutaat nr. 177/2016 siunnersuummi innersuussutigineqarpoq, tassani allassimalluni siunnersuutigineqartutut aaqqissuussineq annertunerpaamik Namminersorlutik Oqartussanit aningaasalersorneqassasoq. Aaqqissuussinerup kingunerisaanik containerimik misissuissummik angallattakkamik pisisoqartariaqassasoq Naalackersuisut naatsorsuutigaat. Tamatumunnga aningaasartuutit 20 millioner kr.-it misaanniittussatut naatsorsuutigineqarput.

Naalackersuisut ilanngullugu naliliipput aaqqissuussinerup kingunerisaanik containerip misissuissutip aqunnissaanut inuit 3-4 atorfinitsinneqarnissaat pisariaqartinneqassasoq, tamatumalu saniatigut ilanngaaserisunik containerinik pasinartunik misissuisussanik pisariaqartunik atorfinitsisisoqartariaqarluni. Ataatsimut isigalugu Naalackersuisut naliliipput inuit 8-nit 10-nut atorfinitsinneqarnissaannik pisariaqartitsinnermik siunnersuut nassataqassasoq, tassa pikkorisarnerit, sulinnigffeqarnerit, napparsimanerit il.il. ilanngullugit naatsorsuutigineqassappata.

Taarsiullugu suliassaq danskit ilanngaaserinermut akileraartarnermullu oqartussaasuinut (Skat Danmark) akiliuteqarluni ingerlatassanngortinneqarsinnaavoq, tassa tamanna pillugu nunatsinni Danmarkimilu oqartussaasut isumaqatigiissuteqarsinnaappata.

Naalakkersuisut mianersortumik naliliipput ukiumoortumik ingerlatsinermut aningaasartuutit 5 aamma 8 mio. kr.-it akornanni amerlassuseqassasut.

Usit Kalaallit Nunaannut umiarsuarnik assartorneqartussat tamarmiusut nakkutilliivigineqarnissaannik aaqqissuussineq nunatsinni ilanngaaserisoqarnissaanik pisariaqartitsinerup annikit-suinnarmik annikilleriarneranik nassataqassasoq Naalakkersuisut naliliipput.


Kiisalu aaqqissuussinerup siunnersuutigineqartup kinguneranik Aalborgimi ininik pisinissaq attartornissarlunniit pisariaqassasoq Naalakkersuisut naatsorsuutigaat, soorluttaaq Aalborgimi initat pioreersut allanngortinneqarnissaannut aningaasartuuteqarnissaq naatsorsuutigineqartariaqartoq. Tamatumunnga aningaasartuutissat Naalakkersuisunit tagginneqarsinnaasi-mangillat.

Siunnersuutip aningaasaqarnikkut kingunissai pillugit Aningaasaqarnermut Akileraartarnermullu Ataatsimiititaliaq allanik ilassutissaqanngilaq.


Tamanna tunngavigalugu siunnersuut itigartinneqassasoq **ataatsimiititaliami amerlane-russuteqartut Siumumeersut, Demokraatineersut Inuit Ataqatigiinnersullu inassutigaat.**

Tamanna tunngavigalugu siunnersuut akuerineqassasoq **ataatsimiititaliami ikinnerus-suteqartut Atassummeersut inassutigaat.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.



Jens Immanuel, Siulittaasoq




Aqqaluaq B. Egede



Suka K. Frederiksen



Steen Lynge



Tillie Martinussen



Peter Olsen



Sara Olsvig